

Injil untuak anak-anak hadiah

Anak
padusi
yang iduik
duo kali



Ditulih oleh: Edward Hughes

Diilustrasikan oleh: Janie Forest
Alastair Paterson

Diadaptasi oleh: Ruth Klassen

Diterjemahkan oleh: Yulia Anggraini

Diproduksi oleh: Bible for Children
www.M1914.org

©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.



Yairus adolah surang pamimpin gereja Yahudi yang manyambah Tuhan dan maajaan Firman Tuhan ka urang-urang lain. Suatu hari, masalah yang manakuikan manimpo Yairus. Anaknyo

yang terkasih, yang baru baumua duo baleh tahun, sakik. Nampaknyo indak ado surangpun yang bisa manolongnyo. Sakiknyo sangaik parah. Yairus tau anak padusinyo akan maningga.



Hanyo satu urang yang bisa manolong anak padusi Yairus. Yairus pai untuak mancari Yesus dan mambawoNyo ka rumahnyo. Mungkin Yairus tau kalau kawan-kawan gerejanya indak akan satuju dengan Yesus. Tapi Yairus indak paduli.



Inyo harus mandapekan patolongan sacapeknyo sabalun anak padusinyo maningga.



Yairus manamuan
Yesus dikaliliangi oleh
urang-
urang,
inyo



tasungkua di kaki
Yesus, "Anak
padusiku sedang
tabariang
sakik, ampia
maningga,"
Urang yang
putuih aso
itu mamohon,
"Datanglah
karumahku dan
latakan tanganMu
atehnyo supayo inyo
salamaik, dan inyo
tetap iduik."





Yesus pai jo Yairus. Tapi mereka indak bisa bagarak capek sabab banyaknyo urang. Ado surang padusi yang sakik salamo duo baleh tahun. Inyo lah pai kabanyak dokter (dan maabihan sado pitihnyo) tapi indak dapek pertolongan. Sungguah ingin bana inyo basobok jo Yesus.





Apo yang bisa dilakukan oleh wanita itu?
"Asa kujamah ajo jubahNyo, aku akan
sehat," Wanita itu bagamam. Inyo maju
mandakek ka Yesus, salanjuiknyo,
inyo manjuluan tangannyo,
inyo mamacik jubah Yesus.





Mujizat! Mujizat! Wanita itu sehat. Sacapeknyo! Sadonyo! Inyo tau inyo sehat dan kuelek dan sembuh. Tapi sasudah itu satu suaro tadanga. "Sia yang manjamahKu?" Yesus batanyo. Banyak urang manjamahNyo. Tapi wanita yang alah sehat itu tau Yesus ingin inyo mangatoan ka Yesus mengenai kajadian itu. Saat itu juo inyo mancaritoan sadonyo ka Yesus.



Indak lamo sasudah itu, Pelayan-pelayan datang dari rumah Yairus. Muko urang-urang itu mungkin mangatoan carito sadiah sabalun mangecek. "Anak padusimu alah maningga!" Urang-urang itu mangatoan ka Yesus. Maningga! Alah talambek. Mungkin kalau wanita itu indak manundo pajalanan itu... mungkin... kalau... Maningga! Anak padusi Yairus yang barago alah pai.



Katiko Yesus mandanga
kaadaan itu, inyo
manjawek, "Jan takuik,
picayo sajo, dan inyo
akan sehat!" Baitu
suliknyo bagi Yairus
untuak sungguah-
sungguah mampicayoi
Yesus. Anak padusinyo
alah maningga.



Di rumah, satiok urang manangih dan maratok untuak gadih ketek itu. "Inyo indak maningga, tapi lalok." Yesus bakato ka urang-urang itu.

Urang-urang itu manggalakan Yesus. Urang-urang itu tau anak gadih itu alah maningga.



Yesus manyuruah urang-urang itu sadonyo kalua,
Yesus mamacik tangan anak itu dan bakato, "gadih
ketek, jagolah!"



Yairus ado disitu, istrinya pun ado disitu. Tigo dari murik-murik Yesus pun ado disitu. Urang-urang itu mandanga kato-kato Yesus. Apo gadih ketek yang alah maningga itu mandanga itu juo?



Gaduh ketek yang alah maningga
itu mandanga
parintah Yesus!
Rohnyo baliak,
dan inyo
langsung jago.
Yesus alah
membangkitkan
gaduh itu dari
kematian.



Urang tuo gadih itu tacangang. Yesus mangatoan ka urang tuo gadih itu untuak mambari makan gadih itu. Sungguah sanangnyo mereka. Sungguah hebat Yesus. KasihNyo yang luar biaso dan kuasoNyo mambawo anak mereka baliak dari kematian.



Anak padusi yang iduik duo kali
Sabuah carito dari firman tuhan, Injil
Didapekan di
Markus 5; Lukas 8

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso iolah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko iolah sabuah kebenaran, kecekan iko kapado Tuhan: Ya Yesus, Ambo picayo bahwo Engkau iolah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalom iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

